

पावलइ फिलिप्पीमेंए ल्हागिर फ्ह्रबै फ्ह्रछ्या

फ्ह्रबै म्हे: पावल ।

फ्ह्रबै क्ल्हयो: एफिसस सहर्रबै झेलर मुँमा ।

फ्ह्रबै त्हे: ई. सं. इहच्युसे इह (५५) साल जरे, बि. सं. प्रसे च्युसे डिहं (११२) साल जरे ।

फ्ह्रबै ताँ: १. फिलिप्पीबै विश्वासीमेंइ पिमिबै मुइ योंबइले चमै धन्यवाद पिंवर पावलइ चु फ्ह्रछ्या फ्ह्रब् ग । पावलइ चमैने बेल्ले म्हाँया लमल । चमै नेरो पावलए फिर दुःख तनाबिलेया पावलइ चमैए सैं भोंन् लमिंडमुँ, धै थेब् आफ्हेँनु, ह्रोंसल् मत्त्रे छ्याँब तरिगे बिबै सैं आमैनु, अरूमैलाइ छ्याँब तरिगे बिबै सैं मैनु, धै प्रभु येशूए सैं धों तब क्हेमैए सैं या तरिगे बिब् ग ।

२. चु फ्ह्रछ्यार चइ बिल् म्हेबै ताँ डचो येशू ख्रीष्टने घिन् तबइले डचो सैं तौल् त्हुम्, डचो सन्तोक तल् त्हुम्, झाइले ताँनने सैं फो क्दिसि येशूए फिर विश्वास लसि छ्याँबै छ्ह थोल् त्हुम् बिब् ग ।

३. पावल झेलर मुँमा फिलिप्पी सहर्रबै विश्वासीमें न्होर स्योलिबै ताँ लोमिंभै खब् सेसि पावलए सैं नइ । चए फिरै या अरू ख्रीष्टियान चिबनाँभैइ बिरोध लबइले झन् चए सैं बेल्ले नइ । छ्हतसि च स्योलिबै ताँ क्वेंसि चमैए लिलि आप्ररिगे बिसि पावलइ चु फ्ह्रछ्या फ्ह्रइ । दिलेया चु फ्ह्रछ्या पावलइ सैं तौन्नेन् फ्ह्रइ, तलेबिस्याँ चइ प्रभु येशूए फिर थेबै विश्वास लमल ।

चु फ्ह्रछ्यार मुँबै तामै

धन्यवाद पिंबै ताँमें १:१-११
 पावलए छह १:१२-२६
 प्रभु येशूने घिन् तबै छह १:२७—२:१८
 तिमोथी नेरो इपाफ्रोडिटस २:१९-३०
 छ्याँब लद् बिबै ताँमें ३:१—४:९
 मुइ योंसि धन्यवाद पिंब ४:१०-२०
 आखिरि ताँ ४:२१-२३

1 डि ख्रीष्ट येशूए केब्लैमैं पावल नेरो तिमोथीउँडँले फिलिप्पी सहरबै विश्वासीमैं नेरो छैं लबै चिबनाँभैं धै ल्होमिंबै डिकनमैलाइ जय मसीह मुँ । कहेमैं ख्रीष्ट येशूने घिन् तसि टिभैं ग ।*

2 ड्योए परमेश्वर आबा नेरो प्रभु येशू ख्रीष्टउँडँले कहेमैंइ दयाम्हाँया नेरो शान्ति योरिगे ।

११११११ ११११११११११११११११११११ ११११११११ ११११११११
 ११११११

3 कहेमैंए साँ खब्रें लमा खोंयोन् बिलै डए परमेश्वरलाइ डइ धन्यवाद पिम् ।

4 बेल्ले सैं तोंदै डइ खोंयोन् बिलै कहेमैंए ल्हागिर प्राथना लमुँ,

5 तलेबिस्याँ येशूउँडँले खबै सैं तोंबै ताँ बिप्रबै ल्हागिर ओंसोंउँडँले तोगो समा कहेमैंइ डलाइ ल्होसिन् मुँ । चु तार डइ धन्यवाद पिम् ।

6 परमेश्वरजी कहेमैंए न्होरि छ्याँबै के तों लइ, खीजीन् येशू ख्रीष्ट युबै त्हिंड समा च के नुमिंभुँ बिसि डइ बिश्वास लइमुँ ।

7 डइ कहेमैंलाइ खोंयोन् बिलै ह्रोंसए सैंर थेंडमुँ । डइ कहेमैं ताँनए ल्हागिर छले मैब ठिक मुँ, तलेबिस्याँ परमेश्वरजी दयाम्हाँया लसि खीउँडँले खबै सैं तोंबै ताँ जोगेबै के डलाइ पिंड, धै ड झेलर मुँमा बैरु मुँमा कहेमैं चु केर डने बालुन् प्रल ।

* 1:1 1:1 000000 00:१२

8 कहेमैए फिर ख्रीष्ट येशूजी खैले म्हाँया लमुँ, छलेन डज्यै या कहेमै ताँनए फिर म्हाँया लसि साँ खम् । चु ताँ परमेश्वरज्यै सेइमुँ ।

9 कहेमैए ल्हागिर डए प्राथना चुन् मुँ: कहेमैए म्हाँया बेल्ले बडिदै ह्यारिगे, धै ज्ञान नेरो छेनाले कहोबै बुद्धि बेल्ले ल्हें योरिगे ।

10 छले कहेमैइ ज्ञान नेरो बुद्धि योसि छ्याँबै ताँ सेल् खाँरिगे, धै येशू ख्रीष्ट युबै त्हिंइर कहेमैने तोइ छ्याब् आम्रोरिगे ।

11 झाइले परमेश्वरलाइ मान लसि खीए मिं थेब लबै ल्हागिर येशू ख्रीष्टउँइले योँबै छ्याँबै बानि कहेमैने तरिगे ।

00000 00000 000000 000000 00

12 ओ अलि-अडाँमें, कहेमैइ चु ताँ सेरिगे बिसि डए सेंर इहाँइमुँ: तो ताँ बिस्याँ, डइ योँबै दुःखमैइ लमा सैं तोँबै ताँ खन्तोँदोँन् फेनेबै के तइमुँ ।

13 येशू ख्रीष्टए सैं तोँबै ताँ डइ बिप्रबै लमा ड झेलर च्युवाब् ग बिसि दरबारबै सिपाइमै नेरो ताँन् म्हिमैइ सेइमुँ।*

14 छले ड झेलर च्युवासेरो ल्हें अलि-अडाँमें प्रभुए फिर बिश्वास लबर भोँब् तइमुँ, धै चमैइ आडिहंनले परमेश्वरए ताँ पोल् खाँइमुँ ।

15 दिलेया को-कोइ डए फिर सैं आससि हिस लसि येशूए सैं तोँबै ताँ बिप्रम् । को-कोइइ बिस्याँ छ्याँबै सैं मैसिन् येशूए सैं तोँबै ताँ बिप्रम् ।

16 सैं तोँबै ताँ बिप्रबै ल्हागिर्न परमेश्वरजी ड कुल्मिंब् ग बिब् सेभ्मैइ सैं तोँन्लेन् चु के लम् ।

17 दिलेया डए फिर सैं आससि हिस लभ्मैइ बिस्याँ, डलाइ झेलर अझै ल्हें दुःख पिरिगे बिब् मैसि आछ्याँबै सैइ येशूए सैं तोँबै ताँ बिप्रम् ।

☆ 1:13 1:13 000000 00:३०

18 तो तलेया थेबै ताँ चुन् गः खैबै सैं मैसि येशूए सैं तोंबै ताँ बिलेया येशू ख्रीष्टए सैं तोंबै ताँ बिमिरिगे, चु ताँन डए सैं बेल्ले तोंडमुँ।

19 ओं, ड तोंबुँ, तलेबिस्व्याँ क्हेमैए प्राथना नेरो येशू ख्रीष्टए प्न्हजी ल्होमिंबइले युनन् ड झेलउँइले त्हांल् योंबुँ बिब डइ सेइमुँ।

20 डए थेबै इच्छा नेरो आशा चु मुँ: ड खोंयोँइ फापिल् त्हुरिब् आरे। ड बेल्ले भोसि तबुँ, सिल् त्हुलेया, सोल् योंलेया ओंसोंबै धोंले तोगो या डउँइले येशू ख्रीष्टए मान तरिगे।

21 तलेबिस्व्याँ डए ल्हागिर सोब बिब येशू ख्रीष्टने प्रब् ग। धै सिस्व्याँ ख्रीष्टने टिसि झन् बेल्ले छ्याँब तम्।

22 दिलेया सोरिस्व्याँ केर फेबै के लल् योंबुँ। छ्णन् तलेया डइ खाब् घ्याँ क्हाब च डइ बिल आखाँ।

23 डए सैं डिहरि तइमुँ। चु डिहरोबै छ्ह पिसि ख्रीष्टने बालु टिब डए थेबै सैं मुँ, डए ल्हागिरि च ताँ बेल्ले छ्याँब तमल।

24 दिलेया क्हेमैए ल्हागिर ड अझै सोल् त्हुम्।

25 च ताँ क्द्रोंसेन डइ सेइमुँ: क्हेमैए बिश्वास भोसि ततै ह्यासि क्हेमैं सैं तोंन् लबर ड अझै सोम्।

26 ड धबै क्हेमैं डार खमा ख्रीष्ट येशूए मिं थेब लबै ताँमैं डउँइले तइमुँ बिब् सेसि क्हेमैं सैं तोल् योंबुँ।

□□□□ □□□□□□□□□□□□ □□□ □□□ □□□□□ □□□□

27 येशू ख्रीष्टउँइले खबै सैं तोंबै ताँइ बिब् धोंले छ्ह थोद्। ड क्हेमैं डार खलै आखलै क्हेमैए सैं फो भ्रिन् तसि खोर थेबै बिश्वास लसि सैं तोंबै ताँ म्हिमैने बिप्रबर भों लइमुँ बिबै ताँ डइ थेदा ड्हांइमुँ।

28 क्हेमैए फिर तो तखलेया क्हेमैए शत्तुरमैने तिफुँइ आडिहंन्। खोंयोँइ बिलै प्रभुए फिर बिश्वास लबर भोंब् तरिद्। छ्त्तस्व्याँ

शत्तुरमैइ कहेमैं दहोल आखाँ, बरु कहेमैइ दहोब्मुँ, तलेबिस्याँ परमेश्वरजी कहेमैं जोगेमिंब्मुँ ।

29 कहेमैइ खीष्टए फिर बिश्वास लब मत्त्रे आडिं, खीए ल्हागिर दुःख नोसि खीए सेवा लबर दयाम्हाँया योइमुँ ।

30 डइ ओसों दुःख योंब कहेमैइ मोइमुँ, अझै छाबन् दुःख योरिइमुँ बिब कहेमैइ थेइमुँ । छले डइ योंब् धों तबै दुःखरै या कहेमैं डने बालु प्रइन मुँ ।*

2

कहेमैं येशू खीष्टने घिन् तबइले सैं क्हाल् लमिबै भों, म्हाँया,

1 पबित्र प्त्हए संगति नेरो ल्हयो कहेमैने मुँ ।

2 छतसि कहेमैए सैं फो घिन् तसि, तौंनने म्हाँया घिन् लसि, क्हिहसि डए सैं झन् तौंन् लद् ।

3 ह्त्तोंसए फायदाए ल्हागिर मत्त्रे तोइ आलद् । तोन् तोर्न थेब प्हेँदै तोइ आलद्, बरु ह्त्तोंसन् च्योंने तसि घिइ घिलाइ ह्त्तोंस भन्दा थेब मैन् ।

4 झाइले कहेमैं तौंनइ ह्त्तोंसल् मत्त्रे छ्याँब लबै सैं आमैन्, दिलेया अरूमैं या छ्याँब तरिगे बिब मैन् ।

5 कहेमैए सैं येशू खीष्टए सैं धों तब प्त्हयाद् ।

6 येशू खीष्ट परमेश्वर तलेया खीजी परमेश्वरए क्त्हयोर टिबै सैं आल ।

7 दिलेया ह्त्तोंसए हग तौंन् वाथेंसि केब्छैं धोंन् तसि म्हिए क्हो किसि युइ ।

8 छले म्हिए क्हो किसि, ह्त्तोंसन् च्योंब तसि कूसर सिबै त्हे समा परमेश्वरजी बिबै ताँ डिंइ ।

9 छतसि परमेश्वरजी खीलाइ तौंन् भन्दा थेब लमिंइ, झाइले तौंन् भन्दा थेबै मिं पिंइ ।

- 10 छतसि स्वर्गरि, पृथ्वी फिर नेरो पृथ्वी न्होरि मुँबै ताँन् सो
 प्ह्याबै सैमैँइ
 येशूए मिर च्हि तुँल् त्हुब्मुँ ।
- 11 झाइले ताँनइ परमेश्वर आबाए मान तबै ल्हागिर “येशू ख्रीष्टन्
 प्रभु ग” बिसि
 म्हाँदिब्मुँ ।☆

११११११११ ११११११११ ११११११ ११११११

12 छतसि, ओ डइ खोबै अलि-अडाँमै, क्हेमैँइ खोंयोँइ डइ बिबै
 ताँमैँ डिंरिडिमुँ । ड क्हेमैँने मुँमा डए उँइँर लब् धोले मत्त्रे आडिं,
 ड क्हेमैँने आरेबै त्हेरै या छलेन परमेश्वरने डिह्दै ह्हाँसइ योंबै
 मुक्ति जोगेबर के लसि उँइँन् ।

13 तलेबिस्याँ परमेश्वरजी क्हेमैँ खीए सैँर मैँब धोले प्ररिगे धै
 खीए के लरिगे बिसि खीजी क्हेमैँए न्होरि खोंयोँइन के लरिम् ।

14 तो के ललेया कचकच आलल्ले आफ्हाँनले लल् त्हुबै के लदै
 ह्याद् ।

15 छले क्हेमैँ तोइ छ्याब् आरेब तसि परमेश्वर डो आसेब्मैँए
 म्हाँजोर तोइ खोट आरेबै परमेश्वरए सन्तान तद् । छतस्याँ
 परमेश्वर डो आसेब्मैँए उँइँर क्हेमैँ मुसारा धोले चारब्मुँ ।☆

16 क्हेमैँलाइ छह पिंबै परमेश्वरए ताँ भोन्ले क्हाथेँन् । छले
 क्हाथेँस्याँ येशू ख्रीष्ट युबै त्हिंइर डइ क्हेमैँए ल्हागिर लबै दुःख
 छलेन् खेरो आह्याना बिसि डए सैँ तोंब्मुँ ।

17 क्हेमैँइ लबै येशू ख्रीष्टए फिबैँ विश्वास परमेश्वरए मिर खो
 पिंब् धों ग । छतसि क्हेमैँइ परमेश्वरए मिर पिंबै सैमैँए फिर डइ
 ह्हाँसलाइन् खो पिंल् त्हुलेया, डए सैँ तोंब्मुँ । छले क्हेमैँ ताँनने ड
 बेल्ले तोंइम् ।

18 छलेन क्हेमैँ या डने बालुन् सैँ तोंन् ।

१११११११ ११११ ११११११११११११

19 कहेमैए बारेबै ताँ थेल् योंसि डए सैं तौल् योरिगे बिसि ड कहेमै डार तिमोथी युनन् कुल्मिंबर प्रभुर आशा लमुँ ।

20 तिमोथीइ धोले कहेमै छ्याँब तरिगे बिसि न्हुँ लबै म्हि चुर खाबै आरे ।

21 (चमैइ खाबज्यै येशू ख्रीष्टए ताँला तोइ वास्ता आल, ह्रोंसए फायदा मत्त्रे म्हेम् ।)

22 तिमोथी खैबै म्हि जा बिसि कहेमैज्यै सेइमुँ । खैले च्हइ ह्रोंसए आबाइ बिब् धोले के लमुँ, छलेन तिमोथीइ येशूए सैं तोंबै ताँ बिप्रबै केर डलाइ ल्होमिंड ।

23 छतसि डए ल्हागिर चुर तो ताँ तमुँ बिसि क्हाबै तोंदोंन् डइ च कहेमै डार कुल्मिंबै सैं लइमुँ ।

24 डैया कहेमै डार युनन् खब्मुँ बिसि प्रभुए फिर भर थेंइमुँ ।

25 डए अलि इपाफ्रोडिटस कहेमैए सउँसर बिबै म्हि ग, डए खाँचो ल्होबर कहेमैइ च कुल्मिंल । डइ सैं तोंबै ताँ बिप्रबै कल्ह्योजरे डए फिर दुःख तमा चज्यै या डने बा-बालुन् दःख नोइ । तारे च कहेमै डार एमिंल् त्हुइ बिसि डए सैंर इहाँइ,

26 तलेबिस्याँ कहेमैइ च नइ बिबै ताँ थेसि चइ न्हुँ लइमुँ । छतसि चइ कहेमैए साँ खसि त्हाबै सैं लइमुँ ।

27 क्ह्रोंसेन च सिया सियाले नल । दिलेया परमेश्वरजी चए फिर ल्हयो उँइमिंड । चए फिर मत्त्रे ल्हयो आल, डलाइ न्हुँ फिर न्हुँ आतरिगे बिसि डए फिरै या ल्हयो उँइमिंड ।

28 छतसि कहेमैइ चलाइ धबै म्रोंसि कहेमैए सैं तोरिगे, धै कहेमैए फिर डइ ल्हेँ न्हुँ लल् आत्हुरिगे बिसि ड कहेमै डार च एमिंदा इहाँइमुँ ।

29 छतसि बेल्ले सैं तोंदै चए मान लद् । छाबै म्हिमेंलाइ मान लल् त्हुम् ।

30 तलेबिस्स्याँ कहेमैइ डए ल्हागिर लल् आखाँबै सेवा पूरा लबर येशू ख्रीष्टए केए ल्हागिर च कालए सुँर्न फेल।

3

११११११११११ ११११११ ११११११११ १११११ ११११११११ ११

1 ओ अलि-अडाँमें, आखिरि बिलन् त्हुबे ताँ चु मुं: प्रभुने घिन् तसि खोंयोन् बिलै सैं तोन् । कहेमैने ओंसोन् बिल् खाँबै ताँमें धबै फ्हरिबर ड छोरों आइहाँ, तलेबिस्स्याँ चु ताँमेंइ कहेमैलाइ आछ्याँबै घ्याँर प्रबउँइले जोगेमिंमुँ ।

2 आछ्याँबै के लब्में, नगिमैं धोले नेब्में, नेरो ज्युबैं ट्हुबि क्याँब्मेंउँइले न्ह क्रों मि क्रोले टिद् ।

3 डचोम् ज्युर चिनु लबै केर भर लब्में आडिं! डचोम् छ्याँबै सैंड खों न्होंउँइलेन् परमेश्वरलाइ म्हाँदिब्में ग, तलेबिस्स्याँ डचोइ परमेश्वरए पबित्र प्ल्हउँइलेन् खीलाइ म्हाँदिइमुँ । धै ख्रीष्ट येशूजी लबै केर डचोइ फ्हेल् खाँम् ।

4 खाबज्यै ज्युर लबै चिनुर भर थेंबै कारण मुँ बिसि मैम् बिस्स्याँ, डलम् झन् ल्हेँ कारण मुँ ।

5 तलेबिस्स्याँ डलम् फिबै प्रेरोर ज्युर चिनु लल । ड इस्राएल हेंबैं बेन्यामीन कुलबैं ग, हिब्रूमैलैया हिब्रू ग, मोशाइ फ्हरिबै ठिममैं म्हाँदिबै फरिसी घि ग, *☆

6 जोसए बारेर बिले बिस्स्याँ, डइ येशू ख्रीष्टए फिर विश्वास लब्में हुगुदिइ! धै ठिक केमैए बारेर बिले बिस्स्याँ मोशाइ फ्हरिबै ठिममैंइ बिब् धोबै केमै लसि छ्याब् आरेबै म्हि मुँल ।☆

7 दिलेया च सैमैं डए ल्हागिर ओंसों छ्याँब तना बिलेया डइ ख्रीष्टए उँइँर च सैमैं तो धोइ आइहाँइमुँ ।

* **3:5:3** ००००० ०००० ० ०००००००० ००००० ००००००० ००००० ००००० ०००००००० ☆ **3:5**
3:5 ००० ००:१; चिब्में २३:६; २६:५ ☆ **3:6 3:6** ०००००० ०:३; २२:४; २६:९-११

8 च्छौ मत्त्रे आडिं, क्क्त्रोंसेंन बिब् गो बिस्व्याँ येशू ख्रीष्ट डए प्रभु डो सेल् योंबै थेबै ताँ, अरू सैमैने च्छैमा ताँन् सैमै तोगो डइ फाकबै सैमै धों इहाँम् । तोगो डइ ख्रीष्ट येशूजी पिबै ताँन् सैमै योंल् खारिगे बिसि खीए ल्हागिर ताँन् सै पिवाइमुँ, च ताँन् सैमै स त्हुल धोंन् इहाँइमुँ ।

9 छ्त्रतसि तारे ड खीने बालुन् तदा इहाँइमुँ । ह्त्रोंसइ लबै धर्मउँइले, नेरो मोशाइ फ्त्रिबै ठिममै म्हाँदिबइले ड धर्मि तब आडि, बरू येशू ख्रीष्टए फिर बिश्वास लबइले ड परमेश्वरए उँइर ठिक ठदिँइमुँ । छ्त्रले ड परमेश्वरउँइले ठिक ठदिब् ग ।

10 खी सिसि धबै खैले सोइ खगे बिसि खीए शक्ति डइ क्होल् खारिगे, धै खी सिब् धोंलेन् डइ या सिलन् त्हुलै सिसि खीजी नोब् धों तबै दुःख नोल् खारिगे ।

11 तल् खाँम् बिस्व्याँ ड सिसि धबै सोल् खारिगे ।

???????? ???? ???? ???? ???? ????
????????

12 डइ चु ताँन् सै योंल् खाँइमुँ धै डइ लल् त्हुबै ताँन् के लल् खाँइमुँ बिसि आडिं, दिलेया फेल् त्हुबै क्ल्हयोर फेबै ल्हागिर ड अझै ओंसों बडिरिइमुँ । च फेल् त्हुबै क्ल्हयोर ड फेरिगे बिसि ख्रीष्ट येशूजी ड्लाइ ओंसोंन् त्हाँइ ।

13 अलि-अडाँमै, अझै ड फेल् त्हुबै क्ल्हयोर आफेइमुँ । छ्त्रतसि डइ ह्याल् खाँबै ताँमै म्लेवासि तारे तखबै ताँमैर भोंन्ले ओंसों बडिबै के लइमुँ ।

14 छ्त्रतसि परमेश्वरजी ख्रीष्ट येशूर थेंमिबै स्वर्गबै आशिक योंबर फेल् त्हुबै क्ल्हयोर फेबै ल्हागिर ड भोंन्ले ओंसों बडिसेन्मुँ ।

15 डचो येशू ख्रीष्टए फिर बिश्वास लब्मै ताँन्इ छाबन् सै मैल् त्हुम् । दिलेया क्हेमै न्हांरि को-कोइ स्योबन् सै मैस्याँ परमेश्वरजी च ताँ या क्हेमैलाइ क्होमिंम्मुँ ।

16 छतसि डचो खैले चु समा खइ, छलेन ओसों बडिदै ह्याले ।

17 ओ अलि-अडाँमें, डइ लब् धोले लरिद् । डिइ लबै केमै कहेमैइ म्रोंइमुँ, कहेमैज्यै या छान् लद् । छतसि डिइ लब् धोले लबै म्हिमैलाइ इह्योसि चमैए लिलि प्रद् ।*

18 डइ चु ताँ ल्हें खे कहेमैने बिल् खाँइमुँ, धवै या बिमुँ । डए सैं बेल्ले नइमुँ । को-कोइ म्हिमैम् अझै कूसर सिमिंबै येशू ख्रीष्टए शत्तुरन् तसि छह थोम् ।

19 चुमै लिउँइ नर्गर नास तब्मुँ, तलेबिस्याँ फोन् चुमैए देवता ग । धै फापिल् त्हुबै केमै लल् योमा चुमै सैं तोम । चमैए सैं खोंयोँइ बिले चु ह्युलबै सैमैर फिरन् तरिम् ।

20 दिलेया डचोए नागरिकता स्वर्गर मुँ । छतसि डचोलाइ मुक्ति पिंवर स्वर्गउँइले युबै प्रभु येशू ख्रीष्टए घ्याँ डचो इह्योरिम् ।

21 च त्हेर खीजी डचोए केर आफेबै ज्युलाइ खीलू धों तबै ज्यु लमिंम्मुँ । खीजी खैले ताँन् सैमै खीए न्होर थेंल् खाँमुँ, छलेन डचोए केर आफेबै ज्यु या फेर्दिवासि खीलू धों तबन् लमिंम्मुँ ।

4

1 छतसि, डइ खोबै अलि-अडाँमें, छलेन् कहेमै प्रभुए भोंब् तरिद् । डइ कहेमैलाइ म्हाँया लमुँ, धै कहेमैए साँ खरिम् । कहेमैइ डए सैं तोन् लमिंइमुँ छतसि कहेमै डए मुकुट ग ।

ॐॐॐॐ-ॐॐॐॐॐॐ ॐॐॐ

2 इयोदिया नेरो सुन्तुखे प्रभुलाइ डो सेब्में तबइले कहेमै सैं घिन् तद् बिसि ड सैं न्होंउँइले यो छ्युँ लमुँ ।

3 ओ डइ भर लल् खाँबै डए थु, ड क्हिने बिमुँ: “च च्हमिरिमैलासे या त्होब्रें लद् ।” तलेबिस्याँ सैं तोबै ताँ म्हिमैने

13 तलेबिस्व्याँ ख्रीष्टजी डलाइ तआन् सैए फिर ट्होबै भों पिंइमुँ । छ्तसि डइ चु ताँन् सै लल् खाँम् ।

14 दिलेया डलाइ दुःख तबै त्हेर क्हेमैँइ ल्होमिंसि छ्याँबै के लइ ।

15 ओंसों ड माकेडोनिया ह्युलउँइले ह्यामाइ या घ्याँ खर्ज पिंसि डलाइ क्हेमैँइ ल्होइ, अरू खाबज्यै आल्हो बिब क्हेमैँ फिलिप्पीथेंमैँइ सेइमुँ ।

16 ड थेसलोनिका सहरर मुँमै या क्हेमैँइ तिब्ले मत्त्रे आडिं, ल्हें खे डए खाँचोर डलाइ ल्होइ ।*

17 डइ क्हेमैँउँइले भेटि म्हेब आडिं, क्हेमैँइ डलाइ ल्होमिंबइले क्हेमैँइ ल्हें आशिक योंरिगे बिब डए सैं मुँ ।

18 डलाइ चैदिब् भन्दा ल्हें डइ योंइमुँ । क्हेमैँइ इपाफ्रोडिटसने पिमिबै बेल्ले लिंबै थाँ खबै परमेश्वरजी खोबै खो धों तबै भेटि योंसि ड बेल्ले सैं तोँइमुँ ।*

19 खैले क्हेमैँइ पिंइमुँ छलेन क्हेमैँलासे या तो सै चैदिलेया, डए परमेश्वरजी खीए च्योलै आखाँबै सै न्होरउँइले ख्रीष्ट येशूउँइले क्हेमैँलाइ चैदिबै सैमैँ पिंब्मुँ ।

20 छ्तसि डचोए परमेश्वर आबाए मिं खोंयोँइ बिलै थेब तरिगे । आमेन ।

☞☞☞ ☞☞ ☞☞☞☞

21 ख्रीष्ट येशूए फिर बिश्वास लबै ताँन् म्हिमैँने डए जय मसीह बिमिन् । झाइले डने मुँबै अलि-अडाँमैँज्यै या क्हेमैँने जय मसीह बिमिंइमुँ ।

22 चुबैँ ताँन् बिश्वासीमैँइ, खासगरि रोमी मुँए दरबारर मुँबै बिश्वासीमैँइ, क्हेमैँलाइ जय मसीह बिमिंइमुँ ।

23 प्रभु येशू ख्रीष्टए दयाम्हाँया क्हेमैँए सैं न्होर तरिगे ।

Gurung Central Adapt It Study Bible
Gurung: Gurung Central Adapt It Study Bible (New
Testament+)

copyright © 2020 Wycliffe Bible Translators, Inc.

Language: Gurung (Gurung, Western)

Contributor: Wycliffe Bible Translators, Inc.

© Wycliffe Bible Translators, Inc.

All rights reserved.

2025-05-03

PDF generated using Haiola and XeLaTeX on 2 May 2025 from source files
dated 3 May 2025

54ead5f0-09ac-5893-ab7c-505713abe514